

ODRŽANI IZBORI ZA SAVJETE 14 MJESNIH ZAJEDNICA NA PODRUČJU

OPĆINE NOVO SARAJEVO

Dana 26. novembra 2023. godine održani su izbori za savjete 14 mjesnih zajednica na području općine Novo Sarajevo. U četiri mjesne zajednice (Čengić Vila II, Kovačići, Gornji Kovačići, Kvadrant) izbori nisu održani jer nisu bili ispunjeni uslovi propisani Statutom mjesnih zajednica.

Svih 14 biračkih mjesta su otvorena u 07:00 sati, a zatvorena u 19:00 sati. Izbori su održani u skladu sa Statutom općine Novo Sarajevo, Statutom mjesnih zajednica i Uputstvom o provođenju izbora i ostalim aktima koje je donijela Općinska izborna komisija. Za posmatranje izbora je bio akreditovan 21 posmatrač. Građani i građanke Novog Sarajeva su među 210 kandidata i kandidatkinja, birali 88 članova i članica savjeta mjesnih zajednica.

Pravo glasa je imalo 60.196 birača, dok je na izbore izašlo 4.318 glasača. Dakle, izlaznost je bila ukupno 7,17 % i veća je za 1,18 % od prethodnih izbora.

Izlaznost po mjesnim zajednicama je kako slijedi:

I.	MZ ČENGIĆ VILA I	6,09 %
II.	MZ DOLAC	8,34 %
III.	MZ GRBAVICA I	3,15 %
IV.	MZ GRBAVICA II	4,48 %
V.	MZ HRASNO	9,08 %
VI.	MZ HRASNO BRDO	9,66 %
VII.	MZ MALTA	7,75 %
VIII.	MZ POFALIĆI I	8,31 %
IX.	MZ POFALIĆI II	11,21 %
X.	MZ TRG HEROJA	5,99 %
XI.	MZ VELEŠIĆI	8,34 %
XII.	MZ GORNJI VELEŠIĆI	13,83 %
XIII.	MZ VRACA	5,91 %
XIV.	MZ ŽELJEZNIČKA	7,23 %

Zbirni rezultati izbora su objavljeni na oglasnim pločama mjesnih zajednica i na web stranici općine Novo Sarajevo. Napominjemo da će Općinska izborna komisija, u skladu sa Statutom mjesnih zajednica, u roku od 15 dana (do 11. decembra 2023. godine) dostaviti Općinskom vijeću Novo Sarajevo Izvještaj o provedenim izborima, koje verifikuje rezultate izbora u roku od 30 dana od dana održavanja izbora. Prema odredbama Statuta mjesnih zajednica, sastav savjeta mjesne zajednica odražava približno nacionalnu strukturu stanovništva date mjesne zajednice, radi osiguranja zastupljenosti svih konstitutivnih naroda i ostalih. Istovremeno, nužno je voditi računa da svaki dio naselja mjesne zajednice bude zastupljen u savjetu.

Politika javnosti i transparentnosti: Općinska izborna komisija podsjeća da je njen rad javan i transparentan, u skladu sa Izbornim zakonom, podzakonskim aktima Centralne izborne komisije BiH i Poslovníkom o radu Općinske izborne komisije. Informacije o aktivnostima Općinske izborne komisije redovno i blagovremeno se objavljuju na web stranici Općine Novo Sarajevo, dok su njene sjednice, u pravilu, otvorene za javnost.